



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Sessio tertia, & vltima.

urn:nbn:de:hbz:466:1-10502

Inter alia Reuerendiss. Episc. Cremonen. ad cognoscendum super causis absentie Illustriss. Metrop. deputatus, in hanc sententiam retulit.

Relatio Reuerend. Cremonensis Pro absentia Illustriss. Metropolitanani.

Ego Nicolaus Episc. Cremonensis in hoc vj. Concilio deputatus ad iudicandum de facultate absentie Illustriss. Metrop. concessa, refero, me causas absentie præf. Illustriss. & Reuerendiss. Domini Metrop. a Reuerendiss. Episcopo Derthonensi antiquiori Prouincie Episcopo comprobata, diligenter & mature considerasse, & illas iustas, & legitimas, ac notorie veras ab hac vj. Synodo iudicandas esse.

Quibus auditis Reuerendiss. Patres ita decreuerunt.

Decretum pro Illustriss. Metropolitanano super præfata absentia.

Avdita Reuer. Promotorum instantia, nec non diligenter cognitis & perspectis absentie Illustriss. & Reuerendiss. Metrop. causis, & considerata absentie facultate scripto data a Reuerendiss. D. Episc. Derthonen. antiquiore huius Prouincie suffraganeo, Reuerendiss. Patres facultatem prædictam & absentie causas legitimas esse vnanimi consensu decreuerunt & iudicarunt.

Quoniam non fuit instituti nostri Congregationes omnes, quæ habitæ sūt, hoc loco describere, hæc vt infra de illarum ratione admonere volumus.

Toto hoc Synodali tempore, præterquam festiuis diebus, habitæ sunt Congregationes Reuerendissimorum Episcoporum coram Illustr. Cardinali Metropolitanano; priuata quidem quotidie, mane & vesperi; in quibus semotis omnibus inter sese agebant Episcopi. Congregationes verò publicæ ter in hebdomada habebantur, feria scilicet vj. fer. ij. & fer. iij. ante diem sessionis: in quibus initio liberum erat cuique ingredi, & quæ voluisset proponere, & præsentibus cunctis, vocabantur ordine ab Archidiacono, ex forma iam supradicta, si

qui aliquid proponere vellent.

Postea dimissis omnibus, præter procuratores Episcoporum absentium, Procuratores Capitulorum, & Testes Synodales, ac etiam vicarios Episcoporum præsentium, & si qui alij ex gratia admittebantur, agebatur de negotijs conciliaribus, & publicè proponebatur, quæ inter Patres in priuatis Congregationibus fuerant examinata.

In Congregatione verò fer. iij. diem sessionalem præcedentis, legebantur omnia decreta in priuatis & publicis Congreg. iam proposita, quæ in sessione sequenti erant promulganda.

Singulis diebus, quibus Congreg. habebantur, mane & vesperi habebatur lectio per duos Theologos; mane de disciplina Ecclesiastica, vesperi verò super psalmos: quibus lectionibus familiar. Episcoporum, & alij qui voluissent, intererant.

Eodem tempore, præter Congregationes priuatas Episcoporum, habebantur etiam Congregationes Theologorum, vel Canonistarum, vel de ritibus, & aliæ de quibus supra, super ijs punctis, quæ ei Congregationi examinanda a Patribus vel a Metropolitanano remittebantur.

Sessio tertia & vltima.

IN Nomine Domini. Anno a Natiuitate eiusdem Millesimo quingentesimo octuagesimo secundo feria iij. vige simo tertio mensis Maij, Indictione decima, Pontificatus Sanctiss. D. N. D. Gregorij diuina prouidentia Papæ XIII. anno vndecimo.

Illustriss. & Reuerendiss. in Christo Pater D. D. Carolus Sanctæ Romanæ Ecclesiæ Presbyter Cardinalis tituli Sanctæ Prædix, Dei & Apostolicæ sedis gratia Archiepiscopus Sanctæ Ecclesiæ Mediolanensis, celebraturus tertiam & vltimam sessionem, Deo benè iuuante, huius Concilij vj. Prouincialis, pro hoc præsentis die in superiori secunda sessione legitimè indictam, hodie horæ decima tabellis publicè propositis pariter indicta & significata, ex ædibus Archiepiscopalibus discedens, ad Basilicam

Metrop. accessit, infra scriptis Reuerendiss. D. D. Episc. ac Reuer. Capitulo & clero vniuerso Metrop. comitatibus. Accessus huiusmodi non fuit sollemnis, sed qualis supra in 2. sess. descriptus est.

Reuerendiss. Episc. Bergomen. Missam solennem de more celebrauit; eaq; absoluta, Illustriss. Metrop. pluuiiale & mitram induit: idem faciunt Reuerendiss. Patres, in sessionem descendunt, & per Diaconum Illustriss. Metropo. assistentem indicta est oratio mentalis consueta formula per Archidiaconos: [orate;] tum per alterum assistentem modico interiecto spatio temporis, illa vox pronunciat, [Erigite vos.] Ac per Illustriss. Metrop. statuta oratio, [Adsumus sancte Spiritus] recitatur. Litanie alternis choris canuntur, cum adiunctis orationibus: mox Euangelium, luminibus accensis, & Thuribulo, in quo prius Illustriss. Metrop. incensum posuerat, adhibitis, per Reuer. D. Archidiaconum de suggestu cantatum est. Absoluto Euangelio, Reuerendiss. D. Episc. Bergomenis, binis diaconis pretiosioribus vestibus indutis comitantibus & assistentibus, pro concione habenda, pluuiiali & mitra, non simpliciter elaborata, qua etiam in Missa usus est, suggestum ascendit. Concionem habuit mira sane eloquentia & pietate referta, & in interpretatione sacre lectionis Evangelicæ positam.

Concione absoluta, & Reuerendiss. Patribus Dominis Episc. Derthonen. Cremonen. Bergomen. Brixien. Asten. Alexandrin. Alben. Intimilien. & Casalen. suis loco & ordine in sessione confidentibus primò, deinde assurgentibus, hymno [Veni Creator,] decantato, cum iterum Illustriss. Metrop. & Reuerendiss. Patres confedissent, comparuerunt R. R. Promotores & institerunt pro decretis promulgandis.

Mox Reuer. D. Archidiaconus, præeunte Magistro cæremon. accessit ad Illustriss. Metrop. & de eius manu fasciculum decretorum promulgandorum reuerenter accepit, & ascendens ambonem, statam præfatiunculam alta voce enunciauit.

In Nomine sanctæ & Indiuiduæ Tri-

nitatis, Patris & Filij & Spiritus sancti. Amen. Nos Carolus S. R. E. tit. S. Praxedis Presbyter Card. Dei & Apostolicæ sedis gratia Archiepiscopus Mediolani, ad Dei Omnipotentis, Beatæque Mariæ semper Virginis, & Sancti Ambrosij Confessoris, & beatorum martyrum Prothasij, & Geruasij patronorum nostrorum laudem, hæc pro Christianæ morum disciplinæ conformatione, qua clerum populumq; fidei nostræ concreditum præluere totis in Christo visceribus expetimus, in hac sessione tertia promulganda proponimus.

Et statim descendens, decreta promulganda cancellario tradidit: quæ de eodem suggestu alta & intelligibili voce enunciauit. Omnibus decretis lectis, sententiam Reuerendiss. Patrum de suggestu vniuersè rogauit. deinde descendens, singulorum sententiam ordine rogauit: & cum omnes, [Placent,] simpliciter respondissent, hoc Illustriss. Metropo. de more retulit; qui dixit, [Decreta modò lecta & promulgata placuerunt omnibus, propterea Deo gratiæ agendæ sunt.] & Responderunt Reuerendiss. Patres, [Deo gratias.] Mox Illustriss. Metropo. hanc promulgationem decretorum concordi Reuerendiss. Patrum sententia approbatam, de suggestu per Reuer. D. Archidiaconum enunciari in hæc verba iussit.

In Nomine sanctæ & Indiuiduæ Trinitatis, Patris & Filij & Spiritus sancti. Amen. Nos Carolus S. R. E. tit. S. Praxedis Presb. Card. Dei & Apostolicæ sedis gratia Archiepiscopus Mediolani, ad Dei omnipotentis, Beatæque Mariæ semper Virginis, & Sancti Ambrosij Confessoris, & Beatorum martyrum Prothasij & Geruasij Patronorum nostrorum laudem, pro Christianæ morum disciplinæ conformatione, qua clerum populumque fidei nostræ concreditum præluere totis in Christo visceribus expetimus, ea omnia & singula qua lecta & promulgata iam nunc sunt, de consilio & assensu Reuerendiss. D. D. Coepiscoporum nostrorum, in Concilio Provinciali Mediolanensi sexto decernimus statuimus & sancimus.

Et cum iam hora esset tarda, & ultra-

meri-

meridiem peruentum esset, omniaq; in hac 3. & vlt. sess. peragenda, præ angustia temporis in præsentia absolui non possent, Reuerendi Promotores institerunt pro continuatione præsentis sessionis.

Illustriss. Metrop. sententiam Reueré diff. Patrum prius habendam celsit; ideo de suggestu eam vniuersè his verbis Cancellarius rogauit,

Reuerendiss. Patres, cum omnia quæ in hac sessione ritè promulganda sunt, præ temporis breuitate hodie mane absolui non possint; Placet ne nobis hanc ipsam sessionem continuari hodie post vespèras?

Et cū omnes, [Placet] simpliciter respondissent, de mandato Illustriss. Metro. iterū suggestum ascendens continuationem indixit.

Demum Reue. Promotores vt de omnibus & singulis in præsentis sessione peractis publicum conficeretur instrumentum, institerunt & rogarunt.

Et cum sessio minimè absoluta esset, sed hodie post vespèras foret continuanda, Illustriss. Metrop. non benedixit; sed assurgentes omnes, in eodem loco sessionali sacras vestes exuerunt, & prece breui ante sanctissimum Sacramentum perorata, in ædes Archiepiscopales redierunt.

Continuatio tertie & vltimæ sess.
Post vespèras.

Hodie post xvij. horam Illustriss. Metrop. ante continuationem sessionis officium vespèrarum de vigilia Solennitatis Ascensionis D.N. in Pontificalibus celebraturus, in ædibus Archiepiscopalibus in loco ad id constituto pluuiale & mitrâ pretiosam induit, & Reuerendiss. Episc. ac Reuer. Cap. consuetis vestibus induto, reliquosq; clero Metrop. comitante, accessit ad Metrop. ibi indutis prius sacris vestibus de more a Cap. vespèræ celebratæ sunt. Quibus absolutis Reuerendiss. D.D. Episc. omnes induant pluuiale & mitram simplicem, & in sessionem descendunt: & facta prius oratione mentali, Illustriss. Metrop. de libro statim oratione, [Adsumus Sæcte Spiritus] recitauit. Mox om-

Pars III.

nibus confidentibus, de mandato ipsius Illustriss. Domini decretum vnum quod de Vicario Episcopi, vt sacris ordinibus initiatus sit, appellatur, ascendens suggestum Cancellarius promulgauit, & sententiam Reuerendiss. Patrum super eodem decreto vniuersè rogauit, & gratè de more actæ sunt.

Postea Reuer. Promotores pro lectio- ne regularum Canonicarum ex veteri instituto in Concilio Prouinciali habenda institerunt.

Instantia de regulis Canonicis.

Illustriss. & Reuerendiss. Metrop. Illud institutum est, atque in huius Prouinciæ more positum, vt Reuer. Episcopis Regulæ Canonicæ in Synodo legatur: Ideo instamus humiliter, vt illæ de suggestu pronuncientur & legantur.

Tum Illustriss. Metrop. regulas canonicas legendas esse decreuit, ac certa loca ex quibus desumptæ fuerunt, Cancellario assignauit, qui ascendens suggestum omnia ordine infra legit & pronunciauit.

Decretum de legen. reg. Canonicis.

Cum ex sacrosancta canonum auctoritate iam pridem statutum sit, canonicas regulas œcumenicis concilijs traditas in Synodis prouincialibus legi debere, eas autem omnes recitari non patiatur angustia temporis: idcirco expedire visum est, nonnulla sacri Concilij Tridentini decreta ad Episcopos pertinètia deligere, quibus adiungendas censuimus superiores constitutiones eas, quæ quasi regulæ quædam canonicæ, Episcopalis vitæ rationem, officia, & partes maxime attingunt. Hæc omnia publicè legi volumus, vt illa etiam atq; etiam repetita, eoq; diligentius animis & mentibus impressa, quò maximo studio fieri potest, inuiolatè obseruentur.

De Concilijs Prouincialibus, & Diocesanis.

EX Concilio Tridentino sess. 24. c. 2. Ex Prouinciali 4. ti. de Synodo Diocesana.

L 3 De